



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՎԱՐՉԱԿԱՆ ԱԿՏ N 1509038

ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

31 հուլիսի 2020թ.

Բ. Երևան
(կազմման վայրը)

Ակտի հասցեատեր

Ֆիզիկական անձ Էմին Ռազմիկի Հովհաննիսյան

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

(Անձնագիր՝ AT0382389, ք. Սևան, Գործարանային փող. 4/24)

Խախտման նկարագրությունը

ՀՀ քննչական կոմիտեի Գեղարքունիքի մարզային քննչական վարչության Սևանի քննչական բաժնի 21.05.2020թ-ի թիվ 50/828-20 գրության՝ ՀՀ ՊԵԿ ՀՕՀ վարչության պետի 11.06.2020թ-ի թիվ 1509038 որոշման համաձայն իրականացված օպերատիվ-հետախուզական միջոցառումների շրջանակներում պարզվել է, որ Գեղարքունիքի մարզի, ք. Սևան, Գործարանային փող. 4/24 հասցեի բնակիչ, ՀՀ քննչական կոմիտեի Գեղարքունիքի մարզային քննչական վարչության Սևանի քննչական բաժնում քննվող թիվ 50166919 քրեական գործով վկա Էմին Հովհաննիսյանը վարույթն իրականացնող մարմնի կողմից նախազգուշացված լինելով ակնհայտ սուտ մատնություն կատարելու համար ՀՀ քրեական օրենսգրքի 333-րդ հոդվածով նախատեսված քրեական պատասխանատվության մասին, 10.02.2020 թվականին տրված ցուցմունքով հայտնել է, որ 2014թ-ից մինչև 2019թ-ը՝ տարվա ոչ բոլոր ամիսներին, հուլիսից մինչև սեպտեմբեր ընկած ժամանակահատվածում Սևանի թերակղզում գտնվող ավտոկայանատեղիում տեղադրել է սեղան և առանց համապատասխան պետական գրանցման և հարկային մարմնում հաշվառման իրականացրել է տարբեր տեսակի ապրանքների մանրածախ վաճառք և ամսական ստացել է 40.000-ից 50.000 ՀՀ դրամ եկամուտ, իսկ տարեկան ձեռնարկատիրական եկամուտը կազմել է 135.000 ՀՀ դրամ:

Այսպիսով՝ Էմին Հովհաննիսյանի կողմից իրականացված գործունեության ընթացքում ձեռնարկատիրական եկամուտը կազմել է՝ ընդհանուր 810.000 ՀՀ դրամ (6 տարի x 135.000=810.000):

Թիվ 1509038 արձանագրությամբ 02.07.2020թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել վարչական վարույթին: Գործում առկա չեն լրացուցիչ ապացույցներ, չեն ներկայացվել միջնորդություններ:

ՀՀ Հարկային օրենսգրքի 447-րդ հոդվածի 5-րդ մասի համաձայն Օրենսգիրքն ուժի մեջ մտնելուց հետո հայտնաբերված՝ մինչև Օրենսգիրքն ուժի մեջ մտնելը կատարված հարկային օրենսդրության խախտումների համար կիրառվում են մինչև Օրենսգիրքն ուժի մեջ մտնելը սահմանված պատասխանատվության միջոցները, բացառությամբ Օրենսգրքի 401-րդ հոդվածով սահմանված տույժերի, որոնք կիրառվում են սույն հոդվածի 6-րդ և 7-րդ մասերով սահմանված կարգով:

Սույն վարույթում առկա ապացույցների համաձայն ֆիզիկական անձ Էմին Հովհաննիսյանի կողմից առանց պետական գրանցման և հարկային մարմնում հաշվառման ձեռնարկատիրական գործունեությունն իրականացվել է 2014թ-ից մինչև 2019թ-ի սեպտեմբեր ամիսը, հետևաբար հարկ է նշել, որ մինչև 01.01.2018թ-ին իրականացված գործունեության մասով վերջինս ենթակա է պատասխանատվության՝ համաձայն «Հարկերի մասին» ՀՀ օրենքի 26-րդ հոդվածի 1-ին մասով, ըստ որի, օրենքով սահմանված կարգով պետական գրանցում չունեցող (չհաշվառված) կամ հարկային մարմիններում չհաշվառված անձանց կողմից ձեռնարկատիրական գործունեությամբ (ապօրինի գործունեություն) զբաղվելու դեպքում գանձվում է տուգանք՝ այդ գործունեության արդյունքում հարկային օրենսդրությամբ սահմանված կարգով հաշվարկված իրացման շրջանառության (համախառն եկամտի) 50 տոկոսի չափով, բայց ոչ պակաս երկու հարյուր հազար դրամից:

01.01.2018թ-ից հետո ընկած ժամանակահատվածում իրականացված գործունեության մասով ենթակա է պատասխանատվության՝ ՀՀ հարկային օրենսգրքի 407-րդ հոդվածի 1-ին մասով ըստ որի՝ «Օպերատիվ-հետախուզական գործունեության մասին» Հայաստանի Հանրապետության օրենքով սահմանված կարգով իրականացվող օպերատիվ-հետախուզական միջոցառումների արդյունքում ապօրինի գործունեության հայտնաբերման դեպքում գանձվում է տուգանք՝ այդ գործունեության արդյունքում Օրենսգրքով սահմանված կարգով հաշվարկված ձեռնարկատիրական եկամտի 50 տոկոսի չափով, բայց ոչ պակաս 200 հազար դրամից:

Տվյալ դեպքում Էմին Հովհաննիսյանի կողմից խախտումը վերջին 1 տարվա ընթացքում կատարվել է առաջին անգամ: Գործունեության ընթացքում ստացած ձեռնարկատիրական եկամուտը կազմում է 810.000 ՀՀ դրամ, որի 50%-ը կազմում է 405.000 ՀՀ դրամ, ուստի օրենսդրական պահանջից ելնելով Էմին Հովհաննիսյանի նկատմամբ կիրառելի է 405.000 ՀՀ դրամ տուգանք:

Ելնելով վերոգրյալից և ղեկավարվելով «Հարկերի մասին» ՀՀ օրենքի 29-րդ հոդվածի 2-րդ պարբերության և ՀՀ հարկային օրենսգրքի 428-րդ հոդվածի 1-ին մասով.

Որոշեցի

1. Հաշվարկել և Էմին Հովհաննիսյանին գանձման առաջադրել 405.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 407-րդ հոդվածի 1-ին մասով և «Հարկերի մասին» ՀՀ օրենքի 26-րդ հոդվածի 1-ին մասով սահմանված տուգանքը ընդամենը, որից՝	405.000	պետական բյուջե	900008000490

2. Ընդունելի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակով:



ՀՀ ՊԵՏԱԿԱՆ ԵՂՎԱՐԴ ՀՈՎՀԱՆՆԻՍՅԱՆ

Վարչական ակտն ընդունող պաշտոնատար անձի
պաշտոնը, անունը և ազգանունը

Կ.Տ.

Ստորագրությունը

Ստացա ակտի մեկ օրինակը

ընդամենը 3 էջ

Էմին Հովհաննիսյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պարտախանապու անձ՝ հարուկ առաքման դեպքում)

ստորագրությունը

” ” ” 2020թ.

(նշում ակտը ստորագրելուց և (կամ) ստանալուց հրաժարվելու մասին)